

ATODLEN 2

(a gyflwynir gan adran 34(3))

YR HYN SYDD I'W GYNNWYS YN Y GOFRESTR

Gwybodaeth gyffredinol

- 1 Rhaid i gofnod person yn y gofrestr gynnwys yr wybodaeth a ganlyn—
- enw'r person;
 - unrhyw enw masnachu a ddefnyddir gan y person;
 - datganiad ynghylch pa un a yw'r person cofrestredig yn gorff corfforaethol, yn unigolyn, yn bartneriaeth neu'n gorff anghorfforedig;
 - cyfeiriad busnes y person;
 - cyfeiriad neu ddisgrifiad o bob safle tirlenwi awdurdodedig y mae'r person yn weithredwr arno;
 - y rhif cofrestru a aseirir i'r person gan ACC.

Aelodau cynrychiadol grwpiau corfforaethol: gwybodaeth ychwanegol am grŵp

- 2 Os yw'r person cofrestredig yn aelod cynrychiadol grŵp o gyrff corfforaethol a ddynodir o dan adran 77, rhaid i gofnod y person yn y gofrestr gynnwys—
- datganiad o'r ffaith honno;
 - enw a chyfeiriad busnes pob corff corfforaethol arall sy'n aelod o'r grŵp;
 - cyfeiriad neu ddisgrifiad o bob safle tirlenwi awdurdodedig y mae unrhyw aelod o'r grŵp yn weithredwr arno;
 - enw a chyfeiriad busnes unrhyw gorff corfforaethol neu unigolyn nad yw'n aelod o'r grŵp ond sy'n rheoli (naill ai'n unigol neu mewn partneriaeth) ei holl aelodau (gweler adran 78).

Partneriaethau a chyrrff anghorfforedig: gwybodaeth ychwanegol am aelodau

- 3 Pan fo partneriaeth neu gorff anghorfforedig wedi ei chofrestru neu ei gofrestru yn enw'r bartneriaeth neu'r corff, rhaid i'r cofnod amdani neu amdano yn y gofrestr gynnwys enwau a chyfeiriadau pob un o'i aelodau.

Dehongli

- 4 At ddibenion yr Atodlen hon, cyfeiriad busnes corff corfforaethol, partneriaeth neu gorff anghorfforedig yw cyfeiriad ei swyddfa gofrestrdedig, ei brif swyddfa neu ei phrif swyddfa.